
МИЛЛИЙ ГВАРДИЯ ТАШКИЛ ТОПГАНЛИГИНИНГ 5 ЙИЛЛИГИ ФАРҒОНАДА КАТТА ТАНТАНА ҚИЛИНДИ

Ўзбекистон Республикаси Миллий гвардияси ташкил топганлигининг 5 йиллиги муносабати билан Миллий гвардиянинг вилоят бошқармасида тантанали маросим бўлиб ўтди. Тадбирда вилоят ҳокимининг ўринбосари Файзулло Қосимов, Шарқий ҳарбий округ қўшинлари қўмондони Лутфулла Бузруков, Давлат хавфсизлик хизмати вилоят бошқармаси бошлиғи Фарҳоджон Солиев, Миллий гвардия Фарғона вилояти бўйича бошқарма бошлиғи Шавкат Акбаров, вилоят ички ишлар бошқармаси бошлиғи Муҳиддин Жўраев, вилоят давлат солиқ бошқармаси бошлиғи Адҳамжон Тиллаволдиев, вилоят божхона бошқармаси бошлиғи Ихволжон Азимов иштирок этдилар.

Сўз олганлар соҳа вакилларини юртимиздаги тинчлик-барқарорликни, жамоат хавфсизлигини сақлаш йўлидаги фидойи хизматларини алоҳида эътироф этишди ва байрам билан самимий қутладилар. Миллий гвардия вилоят бошқармаси бошлиғи Шавкат Акбаров Миллий гвардия қўмондони генерал-майор Рустам Жўраевнинг ҳарбий хизматчиларга йўллаган байрам табригини тантанали ўқиб эшиттирди.

Шундан сўнг ўз хизмат мажбуриятларини аъло даражада ўтаётган ҳарбий хизматчиларга байрам муносабати билан кўкрак нишонлари, навбатдаги ҳарбий унвонлар, фахрий ёрлиқлар ва қимматбаҳо совғалар топширилди.

Ҳарбий хизматчиларнинг саф юришлари, кўргазмали жанговар чиқишлар миллий гвардиячиларнинг кўникма ва маҳоратларини намоён этди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-08-08 16:15:43